

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-29214/25
Sarajevo, 04.2.2026. godine

Na osnovu člana 64. stav (1) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22 i 50/24) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj: 02/12-04-21075/24 od 23.08.2024. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu javne nabavke – Nabavka radova za isporuku i ugradnju jarbola sa zastavom na brdu Mojnilo

I

Ugovor u postupku javne nabavke - Nabavka radova za isporuku i ugradnju jarbola sa zastavom na brdu Mojnilo, broj obavještenja 422-1-3-7-3-8/26, objavljeno na Portalu javnih nabavki BiH dana 06.1.2026. godine i u „Službenom glasniku BiH“– Oglasnik javne nabavke broj 1/2 od 09.1.2026. godine, dodjeljuje se ponuđaču "Eko Teh" d.o.o. Sarajevo sa ponudom u iznosu od 153.812,50 KM bez PDV-a, odnosno 179.960,63 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz tačke I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-29214/25 od 30.12.2025. godine Općina Novi Grad Sarajevo pokrenula je otvoreni postupak javne nabavke – Nabavka radova za isporuku i ugradnju jarbola sa zastavom na brdu Mojnilo, broj obavještenja 422-1-3-7-3-8/26, objavljeno na Portalu javnih nabavki BiH dana 06.1.2026. godine i u „Službenom glasniku BiH“– Oglasnik javne nabavke broj 1/26 od 09.1.2026. godine. Procijenjena vrijednost za predmetnu nabavku iznosi 153.846,15 KM bez PDV-a, odnosno 180.000,00 KM sa PDV-om.

Zapisnikom o otvaranju ponuda od 29.1.2026. godine Komisija je konstatovala da su u predviđenom roku, u propisno upakovanim kovertama pristigle dvije (2) ponuda ponuđača:
1. „Dinalsa“ d.o.o. Sarajevo sa ponuđenom cijenom za ugovor u iznosu od 148.783,50 KM bez PDV-a
i
2. "Eko Teh" d.o.o. Sarajevo sa ponuđenom cijenom za ugovor u iznosu od 153.812,50 KM bez PDV-a.

Zapisnik sa otvaranja ponuda dostavljen je ponuđačima na fax/e-mail u zakonom predviđenom roku.

Nakon što je Komisija utvrdila da su pristigle dvije ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku. Komisija je konstatovala da ponuda ponuđača „Dinalsa“ d.o.o. Sarajevo ne ispunjava kvalifikacioni uslov iz tačke 3.4.2. c) tenderske dokumentacije: *da je ponuđač opremljen neophodnom mehanizacijom za obavljanje predmetnih radova: kamion kiper minimalne nosivosti 10 tona - 1 kom., teretno vozilo nosivosti minimalno 3 tone - 1 kom., bager - 1 kom., rovokopač - 1 kom., oplata minimum 50,00 m² i vibrator za beton - 1 kom.*”.

Tačkom 3.4.2. (d) propisano je da se navedeno dokazuje na sljedeći način: *Dokaz o obezbjeđenosti opreme neophodne za obavljanje predmetnih radova: kamion kiper minimalne nosivosti 10 tona - 1 kom., teretno vozilo nosivosti minimalno 3 tone - 1 kom., bager - 1 kom., rovokopač - 1 kom., oplata minimum 50,00 m² i vibrator za beton - 1 kom. Kao dokaz za kamione se dostavlja ovjerena kopija važeće saobraćajne dozvole. Za radne mašine dostaviti važeće saobraćajne ili upotrebne dozvole; (original ili ovjerena kopija). Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje. Ukoliko ponuđač nije vlasnik tražene mehanizacije, neophodno je dostaviti ugovor o iznajmljivanju. (original ili ovjerena kopija). Kao dokaz za opremu se dostavlja izvod iz knjige osnovnih sredstava (sa označenom pozicijom tražene opreme) ili ugovor o iznajmljivanju opreme. (original ili ovjerena kopija).*

Uvidom u dostavljenu ponudu ponuđača konstatovano je da je na stranici 36.-38. ponude dostavljena Inventurna lista građevinske opreme i alata, sa označenom pozicijom vibro igla, ali za predmetnu radnu mašinu nije dostavljena saobraćajna dozvola ili upotrebna dozvola (original ili ovjerena kopija), kako je traženo tenderskom dokumentacijom.

Iz naprijed navedenih razloga utvrđeno je da je ponuda ponuđača „Dinalsa“ d.o.o. Sarajevo ne ispunjava uslov tražen u tenderskoj dokumentaciji iz tačke 3.4.1. pod c) tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da ponuda ponuđača "Eko Teh" d.o.o. Sarajevo ispunjava kvalifikacione i formalno pravne uslove tražene u tenderskoj dokumentaciji. Komisija je izvršila računsku kontrolu ponude, te utvrdila da je ponuda računski ispravna.

Nakon što je Komisija utvrdila da je dostavljena jedna prihvatljiva ponuda, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 4. stav (2) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama BiH.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova

Općinski načelnik
mr. Šemir Efendić

